

*Протодиакон:*      Благослови Владыко.

*Предстоятель:*    Благословлен Бог наш...

*Певцы:*            Аминь.

*Протодиакон:*    Слава Тебе, Боже наш, слава Тебе

*Хор:* Царю Небесный...

*Протодиакон:* Бог Господь и явися нам, благословен Грядый во Имя Господне.

*Стих:* Исповедайтеся Господеви, яко Благ, яко в век милость Его.

*Стих:* Обышедше, обыдоша мя, и Именем Господним противляхся им.

*Стих:* Не умру, но жив буду и повем дела Господня.

*Стих:* Камень, егоже небрегоша зиждущи, сей бысть во главу угла: от Господа бысть сей и есть дивен во очесах наших.

Хор: 1111 1111111111 1111111111 Бог Господь: во глас 4 й

Таже тропари: Живоначалной Троице, глас 8

Благословен еси, Христе Боже наш, /Иже премудры ловцы явлей, /ниспослав им Духа Святаго, /и теми уловлей вселенную, /Человеколюбче слава Тебе.

Всем святым в земле Российской просиявшим, глас 8

Якоже плод красный Твоего спасительного сияния, /Земля Русская приносит Ти, Господи, вся святая, в той просиявшая. /Тех молитвами в мире глубоце /Церковь и страну нашу Богородицею соблюди, Многомилостиве.

*Крещения Руси, глас 8*

Благословен еси, Христе Боже наш, /Землю Русскую Крещением просветивый, /людем ея низпослав Духа Святаго, /ихже и ко спасению приведый, /Человеколюбче, слава Тебе.

*Равноап. кн. Владимиру, глас 4*

Уподобился еси купцу ищущему добраго бисера, /славнодержавный Владимире, /на высоте стола сидя матери градов, /Богоспасаемаго Киева, /испытую же и посылая к Царскому граду /уведети православную веру, /обрел еси безценный бисер, Христа, /избравшаго тя, яко втораго Павла, /и оттрясшаго слепоту во святей купели, душевную вкупе и телесную. /Темже празднуем твое успение, людие твои суще: /моли спастися душам нашим.

*Запевы:* Пресвятая Троице, Боже наш, слава Тебе.

Все святые земли нашей, молитесь Богу о нас.

Святой равноапостольный великий князь Владимире, моли Бога о нас.

*По запевах прокимен:* Вознесох избранного от людей Моих...

*Стих:* Ибо десница Моя заступит его.

*Протодиакон.* ██████████ И о сподобитися нам слышанию святого Евангелия, Господа Бога молим.

*Хор.* ██████████ Господи помилуй (трижды).

*Предстоятель.* ██████████ От Матфея святого Евангелия чтение.

*Евангелие от Матфея, 55 зачало.*

*Хор:☐☐☐*

Слава Тебе Господи, слава Тебе.

*По Евангелии запевы, затем:*

Достойно есть, яко воистину, блажити Тя,  
Богородицу, Присноблаженную и Пренепорочную и Матерь Бога нашего, Честнейшую  
херувим и Славнейшую без сравнения серафим, без истления Бога Слова рождшую,  
сущую Богородицу Тя величаем.

*Протодиакон.* Помилуй нас, Боже, по велицей милости Твоей, молим Ти ся,  
услыши и помилуй.

□

*Хор (здесь и далее).* Господи помилуй (трижды).



Еще молимся о великом Господине и Отце нашем Святейшем Патриархе Кирилле и о всей во Христе братии нашей.

Благодаряще со страхом и трепетом, яко раби непотребнии, Твоему благоутробию, Спасе и Владыко наш, Господи, о Твоих благодеяниях, яже излиал еси на Землю нашу от Крещения ея и до ныне, и припадаем, и славословие Тебе, яко Богу, приносим, и умиленно вопием: избави от всех бед люди Твоя и всегда, яко Милостив, исполни во благих прошения наша, прилежно молимся Тебе, услыши и помилуй.

Еще молимся Тебе, Спасителю нашему, чрез благоверного князя Владимира благоволившему избрати род наш в наследие Свое и в купели Крещения даровати Духа Святаго, о еже Церковь нашу Святую от расколов и нестроений соблюсти, и в единомыслии веры ея утвердити, и миром оградити, услыши и помилуй.

Еще молимся Тебе, Господи Вседержителю, о еже призрети и утвердити виноград сей, егоже насади и сохрани от всех наветов вражиих десница Твоя; и в предняя лета даруй наследию Твоему мир и безмятежие, да не умалится и не поколеблется Русь Святая, юже избрал еси в жилище Себе, да славится Трисвятое Имя Твое, услыши и помилуй.







Величаем тя, святой равноапостольный великий княже Владимире, и чтим святую память твою, идола поповшаго и всю землю Русскую Святым Крещением просветившаго.

*Протодиакон:* Премудрость.

*Священник:* Пресвятая Богородице, спаси нас.

*Хор:* Честнейшую херувим и славнейшую без сравнения серафим, без истления Бога Слова рождшую, сущую Богородицу Тя величаем.

*Священник:* Слава Тебе, Христе Боже, упование наше, слава Тебе.

□ *Предстоятель.* □ □ □ □ □ □ Отпуст

*Протодиакон.* □ □ □ □ □ □ □ □ Великому Господину и Отцу нашему КИРИЛЛУ, Святейшему Патриарху Московскому и всея Руси и Свято-Троицкия Сергиевой Лавры священно-архимандриту, Богохранимей стране нашей, властем, воинству и народам ея, всему освященному собору, благочестия ревнителем и учителем, и всем во Православии Земли нашей подвизающимся словом, писанием, учением и богоугодным житием, и всем православным христианом - многая лета.

□

*Хор.* □ □ □ □ □ □ □ □ □ □ □ □ □ □ Многая лета...

□

